

L'train du 15 février.

Lindi, ein matin d'hiver. L'neiche i-aveot cait pindant l'nuit.

Queurir à Bruxelles par ein temps parel pou s'in aller ouvrer... Mais i n'a rien à faire ! Seul'mint, in carette ou bin in train ? Tertous i sait que quand c'qu'i-a ein chintimète d'neiche, l'pays i-est bloqué...et puis Bruxelles in carette, ch'n'est d'jà pos facile quand c'qu'i fait sec, alors du temps parel...

Après avoir déposé s'feimme Brigitte à s'bureau, Arnaud i s'in va à l'gare pou li printe l'train qui l'immèn'reot dins l'capitale. Et au moins, i s'reot à timpe... Pos seul'mint pou s'n ouvrache, neon, mais surtout pou l'ortour. Pasqu'à c'soir, ch'est fiête ! Ahais, Brigitte et li i fiêtent leus vingt-cheonq ans d'mariache. L'restaurant i-est réservé d'puis huit jours et i-a même pris congé d'main pou savoir s'ormette... I busie aussi qu'inter la gare et s'bureau, i-a eine bijout'rie et i-aveot vu l'semaine passée ein pinderleot qui plaieot seûr'mint à s'feimme...

L'ov'là bin installé dins l'train. L'wagon i-est tout plein. In face de li, i-a eine manman avé s'pétite fille. L'manman, qu'elle deot avoir eine beonne trintaine d'ainnées, ch't'eine belle feimme, ein visage ein peu reond, des biaux ch'feux qui tir'tent su l'roux et avec cha ein sourire qui f'reot craquer ein évêque. L'pétite, elle n'a pos école aujord'hui. Ch'est conférince. Du queop s'mamère elle l'a imm'née à Bruxelles pou li mouter l'Grand Plache et passer eine journée pindant que l'mopère i-est à l'ouvrache. A côté d'li, i-a ein heomme, in costume, avé s'n ordinateur. Cha deot ête ein fonctionnaire dins ein ministère. I-a eine tiête à cha et on sait qu'dins l'capitale, cha n'minque pos !

L'train i démarre à l'heure ! Infin à peu près, on est in Belgique...feaut pos rêver ! Je n'sais pos si ch'est l'vue des paysaches tout blanquis pa l'neiche, mais Arnaud i s'ortrouêfe bin vite au pays des rêfes, berché pau bruit du train...

I se r'veot, l'jour du prumier rindez-vous, s'cœur trannant quand c'qu'elle a arrivé... Elle éteot belle...i se seont plus tout d'suite ! In vingt-cheonq ans, i n'a pos eu bramint d'neuaches dins leu vie à deux. Puteôt du bonheur et deux p'tites perles qui seont v'nues illuminer leu n'existance. Des jumelles, Chloé et Pauline, qu'i z'eont asteur quinze ans. Ch'est ses deux yeux... Et s'i rajoute alfeos qu'i n'est pus maîte à s'maseon avec ses treos feimmes, ch'est pasque ch't'ein fouteux d'gins ! Et qu'elles, elles intin'tent l'riache !

Et s'rêfe i l'immène in Bretagne pindant les vacances, li, allongé su l'sape à côté de s'feimme et les p'tites qui jueottent tout près d'l'ieau... L'solel i tapeot et i z'éteottent fin hureux !

Tout d'ein queop, i-a été sorti de s'rêfe par eine sécouse, et ein bruit qu't'areos dit eine esplosieon.

Quand c'qui-a orvénu à li, i s'a ortrouvé d'l'éaute côté du wagon, coinché par eine barre de fier au niveau d's'poitrine et à ses pieds i sinteot eine séquoi d'quiéaud. Pos moyein d'vir c'que ch'éteot. De l'finquée rimplisseot l'voiture qui sanneot s'avoir ordressé d'l'avant et du queop, li i-aveot été involé d'l'éaute côté, et s'a ortrouvé tout creon.

Après avoir orpris ses esprits, i s'a rindu queompte qu'une catastrophe elle veneot d'arriver.

I-a tout d'suite busié à Brigitte et ses deux filles. Puis, rassuré d'ête acor in vie, i-a essayé d's'estirper d'ceulle tablature qui li f'seot mau et ceulle foutue barre de fier qui l'impêcheot d'respirer. Et i-aveot toudis c'poids su ses gampes...

Dans l'wagon, i-intindeot les cris probabelmint des gins coinchés comme li, qui souffreottent, qu'i-aveottent eu l'esquite. Dins ces momints-là, on n'sait pus d'quoi. On s'deminte quoisqu'i vient d'arriver. Tout près d'li, i veot ein feimme, s'visache plein d'sang, qui berleot ; s'gampe i-éteot époutie pa-d'sous eine banquette qu'i-aveot seûr'mint traversé l'wagon.

A l'estérieur, pus leon, acor des cris.

- « Au s'cours » « A l'aite » ! Ch'teot eine veox d'heomme qui d'veot s'trouver dins ein éaute wagon, ou alors à l'cour ?

Impossipe à dire. Cha berleot d'tous les côtés...

Pa d'avant Arnaud, ein jeone heomme i-a passé in t'nant s'bras alors que s'tiête elle picheot l'sang.

Arnaud, li, i n'bougeot toudis pos. In puque de cha, i-aveot ceulle finquée qui l'impêcheot d'respirer.

N'acoutant que s'corache, i-a essayé d'bouger ceulle barre. Elle teneot d'ein côté mais à forche d'jeuer avec, i-a fini pa l'soul'ver eine milette. I respireot d'jà mieux, même si i-aveot bin mau. I-aveot cor c'poids su ses gampes, mais i-éteot d'jà contint qu'i les sinteot acor. Quand c'qu'i-a su s'orlever in peu puque, i-a eu comme eine saisissurte in ravisant que l'masse, ch'teot in fait l'pétite fille qui éteot pa-d'avant li su l'banquette. Elle ne bougeot pus ! Pos loin d'eusses, eine femme, eine africaine, elle a su s'glicher pou v'nir in aite à Arnaud et l'pétite fille. Elle l'a d'abord pris dins ses bras pindant qu'li, i s'orsaueot d'ceulle foutue positieon. L'douleur, quand i respireot, elle éteot forte mais i s'in fouteot pasque l'pétite fille elle aveot tourné d'l'ouèl, et ch'est cha qui l'inquiéteot l'puque. Quand ç'qu'on a des infants, on comprind cha. I s'a infin orlevé. I-areot bin serré l'africaine, qu'elle s'app'leot Joséphine, dins ses bras mais ch'n'éteot pos l'momint. Si l'pétite fille elle éteot là, s'manman elle ne deveot pos ête leon. Eine feos su ses gampes, i-a vu l'tabléau et cha

li f'seot freod dins l'deos. Par terre, cha n'éteot qu'des blessés...et i d'a même qui n'bougéotent pus. Et puis i-aveot toudis ceulle odeur de finquée...

Ces imaches-là, i s'reont pou toudis gravées dins s'tiête. Ces imaches qu'on veot alfeos dins des films d'usqu'i-arrife des catastrophes. Et ichi, cha n'éteot pos du cinéma, mais l'réalité. I n'éteot pos sur ein lieu d'tournache mais dins ein train qu'i-aveot déraillé. Infin, ch'est c'qui pinseot.

Arnaud i-a pris l'pétite fille dins ses bras pasque Joséphine elle n'in pouveot pus de s'deos. I z'eont ingambié des corps pou savoir s'in raller de l'voiture et respirer ein beon queop in busiant d'y ortourner pour v'nir in aite à les éautes gins bloqués dins l'wagon.

Malheureus'mint, eine feos déhors, Arnaud i-a juste eu l'temps d'deonner l'pétite fille à ein heomme qui s'avincheot vers li et i-a cait dins les peommes.

On n'sara jamais si ch'est l'air ou qui n'saveot pus respirer assez à cause de l'douleur, mais quand c'qu'i s'a dérinvié, i-éteot su s'lit à l'hôpital.

Autour de li, i-aveot s'feimme et ses filles. Quand c'qu'i l'z'a vues, i-a souri ein momint puis i s'a mis à braire. S'feimme elle li a espliqué quoisqu'i saveot passé et surtout que ch'teot ein miraculé. Des deux trains qui s'aveottent rintré d'dins su l'line 96, on aveot orsaqué 19 morts et pus d'chint blessés.

Arnaud i s'in sorteot bin, avé des côtes cassées et bramint d'coichures. Mais ch'est surtout dins s'tiête qu'i s'ra marqué pour toudis.

Dins m'carrière d'journalisse, d's'orportaches, j'in ai fait eine banse, mais j'deos vous dire qu'ch'est l'ceui qui m'a marqué l'puque.

Pus tard, grâce à l'police, Arnaud i-a ortrouvé l'pétite fille et l'heomme qu'i-éteot à côté d'li. Si i's s'in sortent bin tous les deux, malheureus'mint, l'manman de l'pétite, elle n'a pos eu ceulle sanche. Elle a d'meuré cheonq jours dins l'coma et elle éteot d'allée sans dire à r'voir à s'pétite fille.

C't artique i date de 10 ans, déjà 10 ans que l'catastrophe de Buizingen elle a arrivée. Et 10 ans qu'tous les jours au matin, Arnaud i s'orveot monter dins l'train...l'train du 15 février 2010.

LEXIQUE

| | | |
|------------------------|---|-------------------------|
| Busier | : | Penser |
| Pinderleot | : | Bijou |
| Moutrer | : | Montrer |
| Blanquis | : | Blanchis |
| Trannant | : | Tremblant |
| Fouteux d'gins | : | Moqueur |
| Poitreine | : | Poitrine |
| Finquée | : | Fumée |
| Tout creon | : | De travers |
| S'estirper | : | S'extirper |
| Tablature | : | Situation embarrassante |
| Esquite | : | Peur |
| Berler | : | Crier |
| Epoutie | : | coincé |
| Picher l'sang | : | Saigner abondamment |
| S'orlever | : | Se relever |
| Saisissurte | : | Stupeur |
| S'orsaquer | : | Se retirer |
| Ingambier | : | Enjamber |
| Caire dins les peommes | : | S'évanouïr |
| Se dérinvier | : | Se réveiller |
| Coichure | : | Blessure légère |
| Toudis | : | Toujours |

Le train du 15 février 2010

Lundi, un matin d'hiver. La neige est tombée cette nuit.

Courir à Bruxelles par un temps pareil pour aller travailler...Mais il n'y a rien à faire ! Seulement...en voiture ou en train ? Chacun sait qu'un centimètre de neige bloque le pays ...et puis, Bruxelles en voiture n'est déjà pas facile quand il fait sec, alors avec un temps pareil...

Après avoir déposé sa femme Brigitte au bureau, Arnaud part à la gare pour prendre le train qui l'emmènera dans la capitale. Et au moins, il sera à l'heure... Pas seulement pour son travail mais surtout pour le retour. Parce que ce soir, c'est fête ! Oui, Brigitte et lui fêtent leurs 25 ans de mariage. Le restaurant est réservé et il a même pris congé demain pour récupérer... Il se souvient aussi qu'entre la gare et son bureau se trouve une bijouterie et il avait remarqué la semaine dernière une bague qui plairait sûrement à sa femme...

Le voilà installé dans le train. Le wagon est bien rempli. En face de lui, une maman et sa fille. La maman, qui doit être âgée d'une trentaine d'années, est une jolie femme, un visage un peu rond, de beaux cheveux tirant sur le roux et avec ça, un sourire qui ferait craquer un évêque. La petite fille n'a pas école aujourd'hui. C'est conférence. Alors, sa maman l'a emmenée à Bruxelles pour lui montrer la Grand Place et passer la journée pendant que le papa est au travail. A côté de lui, il y a un homme, en costume, avec son ordinateur. Il doit être fonctionnaire dans un ministère. Il a la tête de l'emploi et on sait que dans la capitale, ça ne manque pas !

Le train démarre à l'heure ! Enfin, presque, nous sommes en Belgique...ne rêvons pas ! Je ne sais si ce sont les paysages recouverts de neige mais Arnaud se met à rêver, bercé par le bruit du train...

Il se revoit le jour du premier rendez-vous, le cœur battant quand elle est arrivée...elle était belle...ils se sont plus de suite ! En 25 ans, il n'y a pas eu beaucoup de nuages dans leur vie de couple. Plutôt beaucoup de bonheur et deux petites perles qui sont venues illuminer leur existence. Des jumelles, Chloé et Pauline, âgées maintenant de 15 ans. Ce sont ses deux yeux... Et s'il ajoute parfois qu'il n'est plus maître chez lui avec ses trois femmes, c'est de l'humour. Et il sait qu'elles en ont !

Et son rêve l'emmène en Bretagne pendant les vacances, lui, allongé sur le sable à côté de sa femme et les petites qui jouent près de l'eau... Le soleil tapait et ils savouraient leurs vacances.

Tout d'un coup, il a été sorti de son rêve par une secousse et un bruit qui faisait penser à une explosion.

Quand il est revenu à lui, il se trouvait de l'autre côté du wagon, coincé par une barre de fer sur sa poitrine et sentant quelque chose de chaud aux pieds. Aucun moyen de savoir de quoi il s'agissait. La fumée remplissait la voiture qui semblait s'être redressée de l'avant et de ce fait, il s'était retrouvé de l'autre côté, la tête en bas.

Après avoir repris ses esprits, il s'est rendu compte qu'une catastrophe venait d'arriver.

Il a de suite pensé à Brigitte et ses deux filles. Ensuite, rassuré d'être toujours en vie, il a essayé de s'extirper de cette situation qui le faisait souffrir et de cette foutue barre de fer qui l'empêchait de respirer. Et toujours ce poids sur ses jambes...

Dans le wagon, il entendait des cris probablement de gens coincés comme lui, qui souffraient, qui avaient eu peur. Dans ces moments-là, on est perdu. On se demande ce qui vient d'arriver. Tout près de lui, il voit une femme, au visage ensanglanté, qui criait : sa jambe était écrasée par une banquette qui avait sûrement traversé le wagon.

A l'extérieur, plus loin, encore des cris.

- « Au secours ! A l'aide ! » Il s'agissait de la voix d'un homme qui devait se trouver dans un autre wagon, ou alors dehors ?

Impossible à dire. Ça hurlait de tous les côtés.

Devant Arnaud, un jeune homme est passé en tenant son bras alors que sa tête saignait abondamment.

Arnaud, lui, ne bougeait pas. De plus, il y avait cette fumée qui l'empêchait de respirer.

N'écoulant que son courage, il a essayé de se libérer de cette barre. Elle tenait d'un côté mais à force de la manipuler, il a pu la soulever un peu. Il respirait déjà mieux, même si la douleur était présente. Et il y avait encore ce poids sur les jambes, mais il était déjà content qu'il les sentait encore. Quand il a pu se relever un peu plus, il a été surpris de découvrir que la masse n'était autre que la petite fille qui était devant lui sur la banquette. Elle ne bougeait plus ! Pas loin d'eux, une dame, une africaine, a su se faufiler pour leur venir en aide. Elle a d'abord pris la petite fille dans ses bras pendant qu'il s'extirpait de cette mauvaise position. La douleur, quand il respirait, était forte mais il ne s'en souciait pas car la fille était évanouie et c'est ça qui l'inquiétait le plus. Quand on a des enfants, on comprend ça. Il s'est enfin relevé. Il aurait bien serré l'africaine, qui s'appelait Joséphine, mais ce n'était pas le moment. Si la petite fille était là, la maman ne devait pas être loin. Debout, il s'est rendu compte de la catastrophe et ça lui faisait froid dans le dos. Au sol, il n'y avait que des blessés...certains même ne bougeaient plus. Et toujours cette fumée...

Ces images-là resteront gravées dans sa mémoire. Ces images qu'on voit parfois dans les films « catastrophes ». Mais ici, ce n'était pas du cinéma mais la réalité. Il n'était pas sur un lieu de tournage mais dans un train qui venait de dérailler. Enfin, c'est ce qu'il pensait.

Arnaud a pris la petite fille dans ses bras car Joséphine souffrait du dos. Après avoir enjambé des corps pour savoir sortir de la voiture et respirer, en imaginant y retourner pour venir en aide aux personnes bloquées dans le wagon.

Malheureusement, une fois dehors, Arnaud a juste le temps de mettre la petite fille dans les bras d'un homme qui s'avavançait vers lui, avant de s'évanouir.

On ne saura jamais si c'est l'air et ses difficultés à respirer, mais il s'est réveillé sur son lit d'hôpital.

A ses côtés, il y avait sa femme et ses filles. Quand il les a vues, il a souri puis a fondu en larmes. Sa femme lui a expliqué ce qu'il s'était passé et surtout qu'il était un miraculé. Deux trains étaient entrés en collision sur la ligne 96 et on dénombrait 19 morts et plus de cent blessés.

Arnaud s'en sortait bien avec des côtes cassées et quelques hématomes. Mais c'est surtout psychologiquement qu'il sera marqué pour toujours...

Dans ma carrière de journaliste, j'ai fait énormément de reportages mais j'avoue que c'est celui qui m'a marqué le plus.

Plus tard, grâce à la Police, Arnaud a retrouvé la petite fille et l'homme qui était à ses côtés. S'ils s'en sortent bien tous les deux, malheureusement, la maman de la petite n'a pas eu cette chance. Elle est restée cinq jours dans le coma puis est partie sans dire au-revoir à sa petite fille.

Cet article date de 10 ans, déjà 10 ans que la catastrophe de Buizingen est arrivée. Et 10 ans que chaque matin, Arnaud se revoit monter dans le train...le train du 15 février 2010.